

Proinde fidelitas Vestra inter alia et id fundate quo citius resciet, quidnam districtus, pro praedecarata reincorporatione remansuri, tam in quanto Contributionali, quam et aliis oneribus publicis ad praesens praestandum habuerint, quave norma haec cuncta inter illos subdivisa fuerint? et tam desuper genuinam informationem, quam et in eo, quod numero Comitatum Magistratus, pro rite ac debite pertractandis provincialibus et politicis judicialibusque negotiis, et cum qua districtum subdivisione partibus in illis constituendos iisdemque praeficiendos in futurum censeat? fidelem opinionem nobis demisse proxime pariter perscribet fidelitas Vestra, cui in reliquo gratia nostra Regia benigne ac iugiter propensae manemus. Datum in Civitate Vienna Austriae die 26 Mensis Martii 1743.

Maria Theresia m. p.

Comes Ludovicus de Bathyan m. p.

Josephus Koller m. p.

(Locus Sigilli exterioris.)

Indorsationis tenor talis est:

Spectabili ac Magnifico Comiti Carolo de Battyán, perpetuo in Nemeth Uivar, Regnorum Nostrorum Dalmatiae, Croatiae et Slavoniae Bano, Comitatus Castriferei perpetuo Comiti, Nostro Actuali Intimo Consiliario, Generali Equitatus, et unius Legionis Nostrae Dimacharum Colonello etc. Fideli Nobis sincere dilecto.

Articulus Tertius.

Ad elaborandam inducendi in inferiorem Slavoniam gubernii idaeam ordinatur Deputatio.

Modum aliquem et idaeam inducendi gubernii in reincorporandos inferioris Slavoniae et Sirmii Districtus necessarium fore praevidentes Domini Status et Ordines, ad ejus elaborationem pro Praeside Excellentissimum et Illustrissimum Dominum Comitem Ludovicum Erdödy de Monyorokerek, Montis Claudii et Comitatus Varasdinensis perpetuum Comitem, et Sacratissimae Regiae Majestatis Actualem intimum Consiliarium Camerarium et Campi Colonellum, Illustrissimos praeterea Dominos Comites Joannem Franciscum Chikuliny de Szomzedvar, Sacratissimae Regiae Majestatis Consiliarum Camerarium et Colonellum, Alexandrum Pattachich de Zaiezda perpetuum in Rakovecz et Verbovecz, Sacratissimae Regiae Majestatis Aulico-Hungaricae Cancellariae Consiliarium et Comitatus Simegiensis Supremum Comitem, Comitem Ludovicum Pattachich de praefata Zaiezda perpetuum aequè in Rakovecz et Verbovecz, Comitatus Verocze Supremum Comitem et Suae Majestatis Sacratissimae Consiliarium, Illustrissimum et Reverendissimum Dominum Sigismundum Liberum Baronem a Sinerspergh, Praepositum Majorem Zagrabiensem, Dominos Prothonotharium Regni, Tabulae Regni